

Na osnovu člana 21. i 22. Zakona o lokalnoj samoupravi USK-a ("Službeni glasnik USK-a, broj: 8/11), člana 24. Statuta općine Sanski Most ("Službeni glasnik općine Sanski Most", broj 4/08,05/08,5/09,2/10 i 9/11) i člana 177. Poslovnika o radu Općinskog vijeća Sanski Most ("Službeni glasnik općine Sanski Most, broj: 4/17), Općinsko vijeće na 41. sjednici održanoj dana 15.09.2020.godine , donosi:

ODLUKU

o dopunama Poslovnika o radu Općinskog vijeća Sanski Most

Član 1.

U Poslovniku o radu Općinskog vijeća Sanski Most ("Službeni glasnik općine Sanski Most, broj: 4/17), iza člana 71. dodaje se novi član 71. a koji glasi:

Član 71a.

- (1) Izuzetno, u slučaju opasnosti širih razmjera po javnu sigurnost i sigurnost građana, elementarnih nepogoda, nastupanja okolnosti koje ugrožavaju javno zdravlje stanovništva (pandemija, epidemija i slično), predsjedavajući Općinskog vijeća može odlučiti, uz zaključak Kolegija, da sjednicu Vijeća sazove i održi uz korištenje informaciono-komunikacionih sistema ili telefonskim putem, sve dok traje opasnost od nastupanja štetne posljedice. Rezultate glasanja (za, protiv i suzdržan) date uz korištenje informaciono-komunikacionih sistema ili telefonskim putem, utvrđuje predsjedavajući Vijeća uz asistenciju Stručne službe za poslove Općinskog vijeća. Predsjedavajući vijeća je dužan po završetku glasanja, uz korištenje informaciono-komunikacionih sistema ili telefonskim putem, objaviti rezultate glasanja.
- (2) Predsjedavajući Općinskog vijeća može odlučiti da se sjednica Kolegija Vijeća sazove i održi uz korištenje informaciono-komunikacionih sistema ili telefonskim putem. Rezultate glasanja (za, protiv i suzdržan) date uz korištenje informaciono-komunikacionih sistema ili telefonskim putem, utvrđuje predsjedavajući Vijeća uz asistenciju Stručne službe za poslove Općinskog vijeća. Predsjedavajući vijeća je dužan po završetku glasanja, uz korištenje informaciono-komunikacionih sistema ili telefonskim putem, objaviti rezultate glasanja.
- (3) Predsjednik radnog tijela Općinskog vijeća, uz zaključak Kolegija, može odlučiti da se sjednica radnog tijela sazove i održi uz korištenje informaciono-komunikacionih sistema ili telefonskim putem. Rezultate glasanja (za, protiv i suzdržan) date uz korištenje informaciono-komunikacionih sistema ili telefonskim putem, utvrđuje predsjednik radnog tijela Vijeća uz asistenciju Stručne službe za poslove Općinskog vijeća. Predsjednik radnog tijela Vijeća je dužan po završetku glasanja, uz korištenje informaciono-komunikacionih sistema ili telefonskim putem, objaviti rezultate glasanja.
- (4) Kolegij Vijeća je dužan da na svojoj sjednici donese zaključak kojim će se definisati način održavanje sjednice Vijeća, način glasanja i način objave rezultata glasanja (uz korištenje informaciono-komunikacionih sistema ili telefonskim putem).
- (5) U slučajevima održavanja sjednica Općinskog vijeća, Kolegija i radnih tijela na način definisan u stavu (1), (2) i (3) ovog člana, pozivi za sjednicu Vijeća sa prijedlogom dnevnog reda, zapisnikom sa prethodne sjednice i i materijalima po predloženim tačkama dnevnog reda će se dostavljati na način i u rokovima definisanim u članu 71. stav (3) Poslovnika.
- (6) Na sva ostala pitanja iz stava (1), (2), (3) i (4) ovog člana, primjenjivat će se odredbe Poslovnika o radu Općinskog vijeća Sanski Most.

Član 2.

Ova Odluka stupa na snagu osmog dana od dana objavljivanja u Službenom glasniku općine Sanski Most.

Broj: 01-02-113/20
Datum: 16.09.2020.godine

PREDSJEDAVAJUĆA OPĆINSKOG VIJEĆA
Desanka Miljević,s.r.

Na osnovu člana 21. i 22. Zakona o lokalnoj samoupravi USK-a ("Službeni glasnik USK-a", broj:08/11), člana 24. Statuta Općine Sanski Most ("Službeni glasnik općine Sanski Most" broj: 04/08,05/08,05/09,02/10 i 9/11), člana 177, 178. i 179. Poslovnika o radu Općinskog vijeća Sanski Most ("Službeni glasnik Općine Sanski Most", broj: 4/17 i 7/20), Općinsko vijeće Sanski Most, na prijedlog Statutarno-pravne komisije, na 6. sjednici održanoj dana 15.07.2021.godine, donosi:

Odluku o izmjenama i dopunama Poslovnika o radu Općinskog vijeća Sanski Most

Član 1.

U Poslovniku o radu Općinskog vijeća Sanski Most ("Službeni glasnik Općine Sanski Most", broj: 4/17 i 7/20) u članu 22. dodaje se novi stav (2) koji glasi: „Evidencioni list o prisustvu vijećnika na sjednicama Općinskog vijeća će se voditi zasebno za početak i za kraj sjednice Općinskog vijeća, te se ne smiju istovremeno potpisivati.“

Član 2.

U članu 22. dosadašnji stav (2) postaje stav (3) koji se mijenja i glasi: „Općinski/a vijećnik/ca, ako ne može prisustvovati sjednici Vijeća, odnosno radnog tijela, o tome pismeno ili u elektronskoj formi obavještava sekretara Općinskog vijeća“.

Član 3.

U članu 23. stav (3) riječi "najmanje tri vijećnička mandata" zamjenjuju se riječima "najmanje dva vijećnička mandata".

Član 4.

U članu 23. stav (4) mijenja se i glasi: "Vijećnici dvije ili više političkih stranaka koji u Vijeću imaju najmanje jednog vijećnika/cu, kao i nezavisni vijećnici mogu formirati zajednički klub".

Član 5.

U članu 33. u stavu (1) u tački c) iza interpunkcijskog znaka zarez dodaje se tekst koji glasi: „predstavnicima političkih partija sa jednim vijećnikom/com i nezavisni/a vijećnik/ca“.

Član 6.

U članu 33. u stavu (1) tačka e) se briše .

Član 7.

U članu 33. dodaje se novi stav (3) koji glasi: "Sekretar Općinskog vijeća obavezno prisustvuje sjednicama Kolegija, bez prava odlučivanja."

Član 8.

U članu 40. stav (3) se mijenja i glasi: " Za članove, kao i za predsjednika i zamjenika predsjednika stalnih radnih tijela mogu biti imenovani stručni, naučni, kulturni i javni radnici (vanjski članovi), s tim da njihov broj kod stalnih radnih tijela ne može biti veći od 2 po komisiji, osim za Komisiju za privredu koja ima 4 vanjska člana."

Član 9.

U članu 46. stav (1) se mijenja i glasi: "Sjednici stalnog radnog tijela obavezno prisustvuje ovlašteni predstavnik predlagača materijala, a Općinski Načelnik/ca može učestvovati u radu i kada nije predlagač".

Član 10.

U članu 51. stav (1) dodaje se tačka l) koja glasi: "Komisija za privredu".

Član 11.

U Poslovniku o radu Općinskog vijeća Sanski Most, iza člana 61. dodaje se novi član 61a. koji glasi:

Član 61a.

(1) Komisiju za privredu čini 5 članova od kojih 4 člana predlaže Udruženje privrednika Sanskog Mosta a jednog člana predlaže Komisija za izbor i imenovanje iz reda vijećnika."

(2) Komisija za privredu je nadležna da:

- a) predlaže propise iz nadležnosti Općinskog Vijeća koji se odnose na funkcionisanje i razvoj poduzetništva;
- b) predlaže mjere radi stvaranja uslova za intenzivniji i brži razvoj samostalnog poduzetništva, kao i mjere za podsticanje ulaganja u deficitarne djelatnosti;
- c) uspostavlja kontakte i ostvaruje privrednu saradnju sa inostranim privrednim organizacijama;
- d) razmatra nacрте i prijedloge odluka kojim se određuju pojedine privredne oblasti i daje svoje mišljenje i prijedloge Općinskom vijeću Sanski Most;
- e) vrši i druge poslove iz ovih oblasti utvrđene Statutom općine, ovim Poslovníkom i odlukom Vijeća."

Član 12.

U članu 80. stav (3) se briše, te stavovi (4), (5), (6) i (7) postaju stavovi (3), (4), (5) i (6).

Član 13.

U članu 80. stav (4) se mijenja i glasi: „Vijećnik ima pravo na jednoj sjednici postaviti najviše 2 pitanja i pokrenuti 1 inicijativu. „

Član 14.

U članu 81. dodaje se novi stav (2) koji glasi: „Ukoliko općinska služba za upravu, stručna ili druga služba ne dostavi odgovor na vijećničko pitanje u propisanom roku iz stava 1. ovog člana, predsjedavajući/ća Općinskog vijeća će putem Stručne službe za poslove Općinskog vijeća poslati pismenu urgenciju Općinskom načelniku da on poduzme mjere za dostavljanje odgovora na vijećničko pitanje, što može uključivati i inicijativu za pokretanje odgovarajućih postupaka protiv osoba koje su bile dužne pripremiti odgovor na vijećničko pitanje.“

Član 15.

U članu 86. stav (6) interpunkcijski znak tačka se zamjenjuje zarezom, te se dodaju riječi: "osim ako nije spomenut".

Član 16.

U članu 92. stav (1) se mijenja i glasi: "Vijećniku/ci, predstavniku predlagača, državnom službeniku ili namješteniku koji prisustvuje sjednici Općinskog vijeća Sanski Most, izriče se mjera udaljavanja sa sjednice kad je svojim ponašanjem toliko narušio/la red i prekršio/la odredbe ovog Poslovnika o radu na sjednici da je dovedeno u pitanje daljnje održavanje sjednice."

Član 17.

Ova Odluka stupa na snagu osmog dana od dana objavljivanja u "Službenom glasniku općine Sanski Most".

Broj: 01-02-227/21

Datum: 16.07.2021.godine

PREDSJEDAVAJUĆA
OPĆINSKOG VIJEĆA
dr. Sanda Čekić.s.r.